



赤水玄珠

小兒門

三十

十武
516
31



明 中武 9
第 516
卷 31



小兒金鏡

生生子曰人知醫學之難也而
不知小兒之醫為猶難也先正
有言寧醫十男子莫治一婦人
寧醫十婦人莫治一小兒蓋甚
言小兒為啞症非質稟靈明性

小兒金鏡

卷

通造化者不易治也矧瘴疹又
為小兒最急者哉世之業是者
未嘗不言秘密稱專科究其
所蘊顯淺衷而徒執方書鮮有
融洽理道識諳經絡而隨症通
變者又何怪其有偏熱偏寒遺

以失彼之誤也余不敏固嘗研
究此術而師問囊中游心象外
晝思夜惟遠蒐近探積有歲年
頗得肯綮彙而成帙命曰指歸
乃夢一老人黃冠羽扇揖余而
語曰此集固後學指歸矣子以

心融千古之秘故纂輯撰著可
以印證前賢而傳之後蓋命名
心印以誌子苦心乎余夢而敬
諾覺則更名痘疹心印云欲鐫
而附於小兒金鏡之末苦力綿
而未授剞劂會良韞張君慨然


捐貲以梓君端慤恬靜三代古
心不務外好而樂與人為善且
天性惻隱生平濟痼瘼惠孤寡
梁津舟渡除道築堤莊嚴象教
修輯梵宇他若排難解紛用恩
於人所不知者種種不可枚舉

何身錄錄
歲丁亥戊子江南大饑疫癘盛行死者載道漲河君拊膺而深憫之願謂鄉人曰此皆我同類可忍使若此耶且水者人之藉以生活毒染於水沿流而飲者必疾此爲害非小而去此害者

勢不可緩出金傭人收百里之暴骸而瘞之疫亦尋息君之德被鄉人澤及枯骨章較著者若以及臺院議加旌獎君堅辭之再三有而不居君又有烏余自甲戌交君驩迄今二十四年

如一日也先是君二子皆厄於痘因銳意訪痘書以惠元又見余集而擊節稱賞曰此不啻大海慈航異日令赤子登彼岸者繡之梓以副吾夙願然則君之德與是集並傳不朽也余不佞

有感於君而并記其事於末簡君名瑤字良韞世為茗上人萬曆丁酉長至日新安生生子孫一奎書於茗之水晶仙館



撮口入期不

臍突光腫

腸癰

鼻風傷顛

風熱

診脉歌

入門者証歌

明驚風篇

慢驚

臍風

臍汁不乾

鵞口白屑

潮熱

看形色声音脉息

看顛顛要畧

變蒸

急驚風

卷之二

夜啼

客忤

丹毒

軀啼

口瘡

赤遊風毒

木舌

重舌

腫齦

腫腭

斷乳法

語遲

項軟

行遲

脫肛門

滯頤

哮喘門

哮喘門

咳嗽門

癰門

遺尿門

卷之三

外腎光腫門

痢門

瘡門

吃泥

吃生米門

吐瀉門

淋明

耳門

龜胸龜背門

虫門

疳門

癩門

卷之四上

痘疹心印小引

戒用天靈蓋

審証

總驗部位

驗面

驗耳

驗目

痘不宜毒物醃發

首尾不可汗下辯

已錄竟

驗鼻 驗唇口 手足 夾班 夾疹 疹即麻也

夾沙 亦麻類粒頭瑣碎其地呼為沙子其狀如夏月膚腠之痱子

夾疥瘡 白陷灰陷 內潰 痒塌

目睛露白 声啞 水瘡 驚搐 附癩癩

煩躁 發渴 嘔氣 不食

汗多 諸失血 陰囊發腫 痘後浮腫

驗動靜 發熱有數種

初發熱三朝証治活法

卷之四下

△痘宜依期施治治貴通變 血熱痘症禁忌

見標三日証治活法 賊痘

起壯三日証治活法 灌膿三朝症治活法

收靨三朝証治活法 落痂症及靨後症餘

卷之五上

△異痘須知

婦女痘

瘡痕為効

原疹

小兒金鑑

目錄

四

卷之五下

麻疹輕重不治三症要訣

水痘志

[Faint bleed-through text from the reverse side of the page]

小兒金鏡卷之一

新安生生子孫一奎著輯

小兒門

諸雜症大方脉可以緊治者茲不復錄
錄惟異於大方脉者省繁瑣便應治也顧
余不文然幼科但當闡明証候選擇良方
俾婦人女子皆可通曉庶為法旨

初誕門

小兒初誕猶如嫩蕊嬌花切當調護得宜庶無不

小兒金鏡

卷一

一

測之症古謂初離母體口有液毒啼聲未出急
用絲綿裹指拭去口中濁穢為妙此固良法然
倉卒多不暇及且亦多有拭之而不見物古人
有落地解毒法回氣法將護法種森立蒐輯
于左以為保生良式

甘草法

臨月預備甘草少許以綿裹之臨產時
用沸湯浸盞內俟兒落地未出聲時急取綿裹
指頭蘸甘草汁拭其口次用硃蜜法

硃蜜法

用甘草湯飛過硃砂末三五分以蜂蜜

拌勻旋抹口中使其點下不獨鎮心安神能解
一切胎熱惡物之毒免痘熱之患

又秘法

用本兒落下臍帶瓦上焙燥為末入辰
砂黃連甘草各末五分和勻蜜拌做三五次塗
乳母乳上俟兒吞之必使一日夜吞盡次日惡
毒皆從大便而出後不但痘疹稀疎竟有不
出痘者俟臍帶落下即便製服在六七八日之
間為妙其辰砂必須研極細末以甘草湯飛過
任服無害此方一以解毒一以補養蓋臍帶乃

有生初之河車也繫於母之命門而腎之所主
乃以腎補腎腎既充足即不受邪故無他日
黑歸腎之症亦無顛門不合之疾生一兒即得
一兒真保生最上一乘良法

斷臍法 千金論云凡結束所留臍帶大約六寸
長則傷肌又斷臍切不可用刀割蓋鐵器寒冷
恐傷生氣只須隔單衣咬斷後將暖氣呵七口
庶無內吊之疾必先用熱湯浴過方斷臍若斷
後浴之恐水氣入內令兒腹疼

四氣法 初生氣欲絕不能啼者必是難產或冒
寒所致急以綿絮包裹抱懷中未可斷臍且置
炭火上燒之仍作太帟撚蘸芝麻油點着于臍
帶上往來遍燎之使火氣入臍則腹中溫暖更
用熱醋湯盪洗臍帶須臾氣回啼哭如常方可
浴洗斷臍切記

戒灸 北方誕後三日每用艾灸顛門以免驚風
緣北方地土嚴寒故俗灸之以禦寒善調護者
何必令兒受此一翻痛苦也今南方每亦倣效

子屢見炎後發熱大小便秘因而驚搐遂致不
救良切憫焉殆無事生事也詎思南方地熱氣
孕者又不斷慾食淡厚味是貪恣情肆意胎已
受毒加之以此炎是以油濟久也曷克當之

浴兒法 第三日浴兒予每用五枝湯極妙五枝
湯者棗槐榆桃柳是也各取嫩枝三寸長者二
三十節煎湯看冷熱入猪膽汁二箇浴之周歲
內可免瘡疥丹毒又可以避邪惡 蓋三日浴
兒俗禮也倘兒生脆弱遲十數日或半月亦無

害擇晴明吉日於無風房內浴之

兒生下地即不啼哭不融香乳奄奄如死者急看
喉間懸癍前睛上有一泡用指搥破以帛拭去
惡血勿令噤下即能通聲香乳

初生大小便不通腹脹欲絕者急令人溫湯漱淨
口吸啞兒之前後心臍下兩手足心共七處每
處吸啞五七口取紅赤色氣透為度氣透則便
輕号散 初生大便不通

輕粉 生蜜拌熱湯調點兒口中一二次立通

初生六七日不小便葱白三四寸搗爛入乳拌入兒口內再與乳吃嚙下即通

楊氏曰小兒在胎受病非一太抵裏氣蘊結壅閉不通宜早取下胎毒

千金論曰小兒始生其氣尚盛若遇疾病即須下之下不及時必成別症

凡下胎毒只宜用淡豆豉濃煎汁與三五占其毒自下又能助養脾氣消化乳食

初出胞胎而不吃乳者或由產母過度胎中受寒

則令兒腹痛故不吃乳亦有口中惡物拭之不
及嚙下腹中致令嘔吐茯苓丸木香散治之
茯苓丸治惡血入腹脹氣短不能吃乳

赤茯苓 黃連 枳殼炒各 右為末煉蜜丸
梧子大每十丸乳汁磨下冷者去黃連

木香散治惡穢入腹嘔吐不止
木香 乾姜 茯苓 木瓜 甘草炙 丁香略

分右為末每服一錢生姜一片水煎綿蘸埋入
口中効

奇方 治初生不乳及不小便葱醜散

葱白十四界破之以乳汁砂礮內煎灌之立効
小兒初生穀道不通多致不救非藥石可治魯有
久以銀筋頭燒紅穿通其竅大便始出亦有用
玉簪穿通者

初生下週身無皮俱是紅肉宜速取白和米粉遍
身撲之其皮漸生一日撲三四次以皮遍為度
初生下遍身如魚泡或如水晶擦破則水滲流以
蜜佗僧研極細炒過乾搽仍服蘇合香丸

初生六七日後陰囊收縮入腹啼哭不止者受寒
所致蓋寒則收引也

硫黃 吳茱萸 各五錢 為細末研大蒜調塗臍下
仍以蛇床子微炒帛包慰其囊即下

初生受風鼻塞不能吮乳不可輕易發散惟大天
南星為末生姜自然汁調成膏貼於額門即愈
又方 草烏皂莢為末葱汁搗膏貼於額門効

噤風撮口臍風種病也
噤風者眼閉口噤啼聲漸少舌上聚肉如粟米狀

吮乳不得口吐白沫大小便皆通蓋由胎中感
受熱氣毒流心脾故形現於候舌也或下生復為
風邪搏擊所致一百二十日已前見此皆名禁
撮口者面自黃赤氣自喘急啼聲不出蓋由胎氣
挾熱兼之風邪入臍流毒心脾之經故令舌強
唇青撮口撮面妨於吮乳若口出白沫四肢冷
者不可救也其或肚脹青筋吊腸卵疝內氣引
痛皆腸胃結滯不通治宜疎利蓋撮口最為惡
候月內見之尤急候也

臍風者非獨謂斷臍之時為水濕風邪所乘多因
胎中受熱兼之風濕所激遂令肚脹臍腫身體
重而四肢柔直啼而不乳甚則發為風搐若臍
邊青黑兼之撮口乃是內搐不治瓜中黑者即
死其或熱在胸堂伸引努氣亦冷臍腫可與下
金龍膽湯

此三症受病之源皆緣胎毒大槩裏氣壅滯
總宜取下胎毒為好不可因循畏手畏足姑
息慢事古方天麻丸定命丹朱銀丸可量與

之須危多活每見臍風撮口七日内見之百
難一生

凡見此三症急者口中齒齦上有小白點如粟米
大即宜以温水蘸高裹指揩去或用銀簪挑去
即能開口吮乳不必服藥此感之淺者也感之
重者照後方按治

安臍散 治臍中汁出或赤腫

白石脂 研極細一日三度傳之 或用油頭
髮燒灰傳 或當歸末傳亦佳

千金龍膽湯 治胎驚月內氣盛發熱臍風撮口

壯熱四肢搐掣發熱大吐及變蒸不解中惡客
忤鬼氣并諸驚癇悉皆治之十歲以下皆可服
有魁氣者加入參當歸兒大者一歲加五錢

龍胆草 鈞藤 柴胡 黃芩 桔梗 芍藥

茯苓 甘草 各五錢 蟬螂 二枚去翅炙 大黃 二錢半

右每服二錢水煎去半服之以漸加之俟大
便行即止 直指方加防風麥門冬以導心
熱黃芩減半加北棗無蟬螂亦可

控痰散

治噤風先用此吐風涎次與益脾散

蝎尾

銅青

各五分 硃砂一錢 膩粉一分 射香一分 為細末

每服茶清調下或用甘草湯吐痰亦可

甘草湯

治撮口取吐風痰

甘草

水煎服令吐出痰涎却以猪乳點入口中即愈

益脾散

和胃進乳

白茯苓

人參

草果

煨木香 煨甘草

陳皮

厚朴

蘇子

炒各等分

右每服二三錢看大小水煎服

辰砂膏

治眼閉口噤啼声不出吐乳不得口吐

白沫大小便皆通

辰砂

硃砂

牙硝 各半 玄明粉 射香 各一分

全蝎

珍珠

右為細末厚油帛包封自成膏

成膏

每服一莖許粒薄荷金銀湯下

天麻丸

斷臍後為水濕風冷所乘入臍流於心

脾遂令

肚脹臍腫四肢柔直日夜多啼不能吮

乳此藥利驚化痰九鈞腸鎖肚撮口並効

南星炮二錢白附子炮牙硝天麻五靈脂

全蝎一錢各輕粉五分巴霜字右為稀糊丸麻子

大每服三九薄荷生薑湯送下

定命丹 治急驚天鈞撮口通利痰熱水片無

全蝎七錢天麻南星炮白附子炮各二錢硃砂

青黛錢各半輕粉射香各五分冰片字右為末

粟米糊為丸菴豆大每服一丸荆芥薄荷湯

化下先研半分吹入鼻中

僵蚕散 治撮口

僵蚕直者二條去為末用蜜調傅唇口中立効

蝎梢散 治胎風撮口臍風及百日内急驚風并

諸痰症

蝎梢四箇姜蚕去嘴洗去系冰片射各一

右蝎梢每十個用薄荷葉包線扎定砵內

炒至薄苛乾為度全姜蚕研細入冰射和勻

用赤椎鷄肝二片煎湯調下二分

牛黃散 治初生七日內口噤

小兒金匱

牛黃錢 為末以竹瀝調一字灌之更以猪乳

點入口中

撮風散 治撮口

蜈蚣 赤足者 釣藤 硃砂 蝎梢 僵蚕 射香字 右為末每服一字用竹瀝調下

立聖散 治噤口

蝎梢 乾蜘蛛 雁

為末研勻每服一字乳汁調時時滴入口中

蜈蚣散 治口噤不開不能吮乳

赤脚蜈蚣 炙焦去頭 為末入射香少許以猪乳

丁合分三服

蓋猪乳治小兒口噤最良凡取猪乳須令小猪

兒吮乳方其吃時將小猪後脚提起其口即開

急將取之即得乳也非此法不能得

蜘蛛散 炙焦去毒 為末猪乳調灌神效 右亦治

牙疳加射香神效

硃銀丸 治臍風壯熱痰盛翻眼口禁取下胎中

蘊受之毒亦治驚積量病用之

全蝎錢一白附子錢半南星炮硃砂字一牛黃

芫會分各五天漿子射香各分各五冰片字一僵蚕十

条水銀肉一錢蒸棗研如泥鉛霜五分和

右為末粟米糊為丸如芥子大每一丸薄荷

湯下如未利加至二三丸

射香散 治臍風撮口

赤脚蜈蚣酒炙川烏頭尖個三射香少許

右為末每服半字金銀湯調下

立聖散 治臍風撮口

赤蜈蚣酒炙蝎梢七個瞿麥五分姜蚕七個

右為末先用鸞毛管吹少許入鼻啼哭則可

治仍用薄荷湯調服三五分

○臍突光腫 臍汁不乾 附腸瘻

生生子曰小兒月內旬日臍突光腫如吹捻動微

响赤腫虛大可畏此由初生先斷其帶束縛不

緊浴洗之時温入所致用外消散敷之臍汁不

乾者內有温熱及血熱而然宜涼血收温之藥

搽之無不効者惟腸瘻一症亦令臍中汁出小

腹腫硬按之則痛小便澀以淋時汗出惡寒
身皮甲錯肚皮紫如腫之狀按之濡或發熱無
汗洒淅惡寒皆其候也甚者腹皮脹大轉側腹
有水声或逸臍生瘡或膿從臍出或大便膿血
必有不足不能步皆為惡候

山 施五苓散 治小兒臍突

施子仁炒 白木炒 茯苓 猪苓 澤瀉各一錢

肉桂五分為細末每五七分蜜湯或灯心湯調下

二 荳散 治臍突

赤小荳 豆豉 天南星製 白欵各一分

為細末每以五分芭蕉自然汁調敷臍四傍

一日一次三日三次但得小便下白物即消

外消散 臍突光腫如泡

大黃 牡蠣煨各五錢 朴硝一錢

右末多用田螺浸水調一二錢敷臍上其水

後小便而下即消

封臍散 臍中汁出

紅綿灰 龍骨煨 髮灰 面粉炒各一錢 胭脂五分

小兒金匱 卷之七 臍 十四

右末乾搽濕處

丹礬散 治同上

黃丹 枯礬 等分為細末敷上即乾

又方 蜜佗僧炒貝母 桑螵蛸焙為末搽之妙

又方 牆上多年白螺殼燒為末搽之佳

消瘰蒼耳湯 但小腹作痛惡寒吐皮緊急一腳

不能舉步即是腸癰

蒼耳子錢二甘草分五杏仁 薄荷 瓜蒌各錢

赤水酒各一鍾煎服其渣包敷臍上二服見效

有膿者加木香當歸各五分

四聖散 治腸癰乳癰一切癰疽便毒神效

黃瓜萎一枚甘草錢四沒藥錢三乳香錢二

酒煎分二次服大便微溏瀉下惡物為妙

薏以仁湯 腸癰腹中疼小便澀

苡仁 瓜蒌仁 丹皮 桃仁各三錢

水煎食前服

神仙蠟礬丸 治腸癰有膿者極效空心酒吞五

本六十九

太乙膏為丸梧子大每空心酒下六七十丸腸癰
頰瘰

○鷲口白屑

初生百日口中生白點不計其數拭之則去少刻
復有口角流涎水日夜啼哭不乳是也亦由胎
熱或乳母嗜食煖炙酒麵貽熱於兒用甘草葉
連各一錢煎濃湯以帛裹指口中拭去再不
又方桑樹枝條如煎竹瀝法煎汁洗之亦佳
又方黃丹為極細末用竹瀝調塗口中洗之其

白點即落一日洗二三次再以辰砂益元散
心湯調下則不再作神妙

○鼻風傷顙

凡乳母夜睡鼻孔切不可與兒頭相近恐呼吸鼻
風吹其顙門疾變百出慎之慎之

通關散 治鼻風吹顙令兒鼻塞不能吮乳

香附子炒 白姜蚕炒 各三分 川芎七分 荊芥四分 細辛二分
牙皂分 右末生葱白去鬚搗碎調藥塗顙上佳

○潮熱

潮熱者今日發過明日復來如潮水之有信也有一日一發二日一發三日一發或一日兩發似瘧非瘧皆由調護失宜或冒風寒或傷乳食或發瘡疥或陰陽不和或虛熱骨蒸皆當認証速治亦有外感內傷以致臟腑壅滯而成實証當後權下之

一傷寒之後餘熱不解者宜脫甲散兼小柴胡湯
一內傷癖塊不消脾胃不和而成潮熱先服脫甲散次搗氣下之後調胃氣

一營衛有熱陰陽不和發為潮熱
一瘡疹後餘毒不解蘊成潮熱宜大連翹飲更與助胃氣則安

梨漿飲子 治潮熱及營熱衛熱兩日一發二日

一發五臟蘊熱瘧熱夜發瘴瘧獨熱

青蒿苗 童便浸三次洗淨晒乾 柴胡 人參 前胡

黃芩 秦艽 甘草 或加生地黃 右看大

小三五錢水煎入生藕生梨薄荷葉煎服

脫甲散 治傷寒體熱頭自昏沉不思飲食夾驚

小兒驚風

文食寒熱大小便閉煩躁作渴冷汗妄流高滿
 腹急日夜大熱并傷風傷暑驚癇客忤疢熱
 柴胡 當歸 龍胆草 茯苓 知母 甘草
 川芎 各三人參 錢二 右看大小每服三五錢加
 連鬚葱白三根水煎服此方散熱扶表救裏
 表虛者汗不妄出裏熱令不閉結外則通關
 內則開渠經絡疎通臟腑無滯熱在表裡之
 間施無不可積傳驚癇之候用攻必効
 地骨皮散 治虛熱潮熱傷寒壯熱

知母 柴胡 人參 甘草 茯苓 半夏
 地骨皮 右水煎加姜 有驚熱加蟬蛻天麻
 黃芩
 秦朮飲子 治疰如前
 即上方加秦朮
 驚甲飲 治潮熱骨蒸盜汗咳嗽多渴心躁多驚
 面色黃瘦 驚甲炙地骨皮 秦朮 柴胡
 枳殼炒 知母 當歸 各等 每服三五錢加桃
 柳枝各三寸烏梅一枚水煎服

犀角飲 治骨蒸潮熱盜汗肌瘦

犀角屑 鱉甲 炙柴胡 知母 地骨皮 胡

黃連 各五分 大黃 桃枝 各二分 右水煎服

靈犀飲 治小兒骨蒸潮熱盜汗咳嗽不食多渴

面黃消瘦 犀角 秦艽 甘草 羌活

柴胡 地骨皮 胡黃連 各五分 茯苓 人參 各

兩 右每服三五錢加烏梅竹葉煎服

柴胡散 骨蒸潮熱面黃瘦弱

柴胡 地骨皮 甘草 各等 水煎服

青蒿散 肌熱潮熱

青蒿 三錢 甘草 一錢 烏梅 一枚 小麥 五十粒

右水煎分三次服

大連翹飲 治胎熱大小便不利諸般瘡癩丹毒

瘡風瘡疹壯熱 連翹 瞿麥 荆芥 木通

當歸 赤芍藥 防風 柴胡 滑石 炙甘

草 蟬蛻 各一錢 山梔 黃芩 各五分

右看大小每加紫草煎服熱甚加太黃

風熱

內素有熱或又冒風發熱咳嗽面赤氣粗大便秘結者但宜平和解使表裏疎通其熱即退疎風枳殼湯極效

疎風枳殼湯 紫蘓 枳壳各三錢 杏仁去皮尖

水煎頗與服以大便通利熱退為度

熱甚者加黃芩 若大便仍不行用葱煎湯

洗其腰腹取熟葱以臍上下搯之使其氣透

則通利矣 或用生葱尖紙入穀道立通

清上散 治胎熱眼睛腫赤糞色稠黃肚熱啼哭

及身上紅腫或頭頂瘡癩耳出膿汁皆胎毒也此方神驗

川鬱金 甘草 北桔梗 天花粉 乾葛

薄荷葉 各等分為末入蜜拌勻白湯下三五

七分或一錢仍用艾葉煎濃湯溫浸足底以

引其熱下行

看小兒外証形色音声脉息

經云五臟有五色皆見於面素問曰神之變也其

華在面又云視其五色黃赤為熱白為寒青黑

為痛此所謂視而可見者也錢仲陽云左頰為
肝右頰為肺額上為心鼻上為脾下頰為腎赤
者熱隨証治之

眼上赤脉下貫瞳人顛門腫起兼及作坑鼻乾黑
燥壯大筋青目多直視視不轉睛指甲黑色口
作鴟聲虛舌出口齒齒咬久魚口氣急喘不作
聲蛔虫既出必是死形用藥速救十無一生
此吐蛔乃傷寒症故言凶若傷食吐蛔乃是常
要知兒病生與死總觀面上色音唇青耳黑入

難救哭声不响赴陰君

聲輕者氣清弱也重濁者痛也風也高喊者熱將
狂聲急者神驚也聲塞者痰也聲戰者寒也聲
噎者氣不順也喘者氣促也噴嚏者知其風呵
欠者知其倦亦主風陰陽相雜也

診脉語

小兒有病須憑脉一指三關定真息浮洪風熱數
多驚虛冷沉遲實有積

左手浮洪風邪所感右手滑大乳食過傷數熱遲

寒以意推詳浮表沉裏看症投湯

看顛顛要畧

凡看嬰孩百日已後周歲已前視其顛而對其症
則補瀉用藥調治可斷其吉凶矣
顛門青筋脉虛不榮顛門常陷滑泄便顛門腫
起風痰不止顛門久冷吐利青顛門震軟顛
疔不免顛門扁濶暴泄易脫顛門歪長風作即
亡顛門連額驚風易得顛顛未克怕熱怕寒顛
顛緩收胎氣不周顛顛動數神氣昏弱顛顛寬

大受疾恐害顛顛味合筋骨柔弱

顛顛陷者始因臟腑有熱渴飲水漿致成泄痢久
則氣虛用狗頭骨炙黃為末鷄子清調敷之
顛腫者乳哺不常致寒熱乘於脾家其氣上衝
顛為之脹高如堆垛若寒氣上衝則堅硬熱氣
上衝則柔軟寒則溫之熱則涼之

封顛散 防風 栢子仁 白芨 各一
右末乳汁調塗顛上十日愈

凡鮮顛之症乃腎氣虛弱腦髓不實不能收斂急

小兒金匱

卷一

十一

用_二地黄丸_一補之 外用木天南星微炮為末米醋調敷于絹帛上貼之

三辛散 治解顛

北細辛 桂心各五錢 乾姜七錢 為末乳汁調敷

顛上乾則再塗俟兒面赤則愈

烏附膏 治顛門陷

川烏 大附子各去皮臍 椎黃水飛

右極細末生葱搗爛調成膏貼顛上

地黄丸 治顛解不合腎元不充

人參二錢 懷熟地黄四錢 鹿茸酒炙 懷山藥 茯苓

丹皮 山茱萸肉各三錢

右末煉蜜丸芡實大每用人參湯化下一丸

○傷乳

小兒吮乳過飽腹脹不乳者不必他藥只用大麥

芽煎湯服之如惡吐加陳皮 發熱者加枳

實如大便不通加枳榔 蓋氣下則乳自消

也不必用木黃巴豆霜之類

入門看証歌

小兒金匱

卷一

十一

五指梢頭冷驚來不可當若還中指熱必定是傷
寒中指獨自冷麻痘症相傳女右男分尤叮嚀
仔細看

變蒸

生生子曰古謂三十二日一變生一臟六十四日
一蒸生一腑三百二十日十變五蒸畢則臟腑
完而人始全也太意謂人有三百六十五骨度
而合周天之數以期歲誅之云也愚謂嬰孩
離母則腑臟已自具足豈待變蒸完而後始生

哉觀其下地因然一聲便能呼吸飲乳大小便
一如大人設臟不完啼聲安出又安能飲乳而
成大小便哉由是推之所謂變蒸者乃氣血按
月交會煅煉使臟腑之精神志意魂魄遞長
覺漸生爾氣血有太過有不及故寒熱之發有
輕重有晏早不然觀今之嬰孩未嘗月如其所
云三十二日必一變六十四日又一蒸也發
寒熱者百中僅一二耳間或有之亦不過將息
失宜或傷風傷乳而偶與時會耳雖不服藥隨

亦自愈茲姑採什數方以備參用若謂生肌生

腑之助則其謬也不辯自知

清鮮湯 變蒸熱多寒少面赤息粗有似傷風表

重無汗或發癰疹咳嗽並皆治之

柴胡分五前胡分四酒苓分五甘草分三葛根分三杏仁

分四枳殼分三白芍藥分七水煎服

柴胡湯 治變蒸骨熱心煩啼叫不已

人參 甘草 麥門冬去心各防風 龍胆草

錢各 柴胡錢三 每服三錢水煎服

惺散 治變蒸發熱或咳嗽痰涎鼻塞声重

疹發熱 人參 白朮 茯苓 甘草 芍藥

桔梗 細辛 麦芽各等 每服一錢加姜煎服

當歸散 治變蒸有寒無熱

當歸錢二 木香 桂心 人參 甘草各一錢

每服二三錢姜棗水煎服

調氣散 變蒸吐瀉不乳多啼

木香 香附酒製 人參 橘紅 藿香 甘草

各等分每服三錢姜二片棗一枚水煎服

○明驚風篇

孫仲子泰來曰驚者病之名風者病之象言其抽搐有似於風之動而為名也

生生子曰小兒之症莫大於驚風以其疾顧盼間暴若雷迅而電逝也緣其致疾之由有二極須體認不可循俗只曰驚風驚風云耳何言之夫驚有因外因內外至者或耳聞異声目擊異物驚然仆地者是也内生者由痰生熱生風也所得之由既殊療治之法必異治外須當養神

治內自宜清降予慨今之專門偶獲一方便本言曰治急慢驚風如神急慢二字漫無分別視之得無太易乎不思急屬陽陽為熱為實慢屬陰陰為虛為寒碩治法實熱即當清當瀉虛寒即宜溫宜補蓋治寒之劑不能治熱治熱之劑不能治寒聖哲莫能越其矩也世無大丹曷能以一藥聚能治其寒熱虛實者乎急慢二字間有能言之者至於內外之因鮮有知之者矣予故揭而論之以補其畧

○急驚風

生生子曰急驚風者乃有數種之殊須當細察現
 古人治法有云鎮驚者有云利驚者有云涼驚
 定驚截驚者究其法明是教久要知邪之入於
 何經識投劑有此數等之緩急也蓋邪之入心
 則面紅頰赤惕夜啼邪之入肝則面目俱青
 眼竄上視邪之入腎則面黑惡叫啞齒咬牙邪
 之入肺面色淡白喘息氣乏邪之入脾面色淡
 黃嘔吐不食此亦大約言之耳仍當審其兼症

蓋此疾之發其始未有不由於痰熱者雖有五
 臟之殊尤重在心肝二臟內積痰熱外挾風邪
 風火交爭血亂氣併呼吸貴鬱閉竅壅塞面赤
 努氣百脉凝澁總由痰涎膠固而肝風心火無
 所踈泄故頭搖目斜上視搐掣不休名曰
 急驚症固暴烈乃為陽症陽盛則多動而症實
 熱故列已上數法非若慢驚陰症者所可比也
 急驚須當急治先宜通關通關後且與截風定
 搐設仍不定乃議下之痰熱既降又當養胃安

神若搖定而仍有微邪但用輕劑消痰清熱則破竹之勢自當迎刃而解也

孫季子朋來曰夫治急驚當下即下第不可過用寒涼及巴霜水銀芒硝葷蕩滌太驟蓋已上諸劑與腦射等藥醫家有所急而用之治亦不得已也疾去即止若不當用而用或當用而過用慢驚之成率多由此可不慎哉凡欲下之際須當細問前師已下未下或曾經吐瀉否也設已經下及曾吐瀉者不敢再擬下劑只須驅風

化痰清熱令其自已不可峻攻重傷胃氣若體認未明不可孟浪施治先與通關嚏驚葷以開其竅次用人參養活散定搐散在意選擇下劑亦有二三等輕則利驚丸稍重則用疎風散紫胡加大黃湯重則用天麻丸牛黃涼膈丸下後和胃補氣用生氣散茯苓二陳湯藎合香丸之類寧心安志丸全蝎散溫膽湯此等不寒不熱祛風鎮驚之餘酌而繼之以防再發庶稱良師凡急驚鼻衄者乃吹明經中熱壅將散從血而解

此易治口中吐血者乃心血為熱迫妄行難治
 犀角湯加滑石牡丹皮黃連山施
 凡急驚抽搐聽其自發自止切不可令人緊抱束
 繫之恐他日有痼疾以氣不得流通故也
 通關散 治驚風搐搦關竅不通
 南星炮一錢 射字一牙皂二條 赤蜈蚣一錢 僵蚕一錢
 右為末生姜汁拌擦牙或筋引澀入藥二三
 點吐出涎關自開
 嚏驚散

半夏一錢 猪牙皂角末五分
 右為末每用少許吹入鼻中嚏出立甦
 全蝎散 治驚風不語通竅豁痰
 全蝎七枚 各用紫蘆葉包去葉再換葉灸
 右末每服一字 姜汁入蜜少許拌勻灌入口中
 開牙散
 細辛 南星 朴硝各一錢 全蝎五枚 麝香五分
 右為末以少許用烏梅肉揉和擦牙外用細
 辛皂角荆芥為末吹入鼻中

八見全鏡 一 卷

人參羌活散 治驚風熱涎潮牙關緊急或中風

柴胡 去芦 五錢 地骨皮 天麻 酒炙 人參 芎藭

獨活 枳壳 茯苓 羌活 桔梗 各五錢 甘草

分三右每服三五錢 生薑薄芎湯調服 加蟬退

治驚熱躄硬加麻黃乾葛豉仁

釣藤飲 治一切驚風潮搐神思昏迷目睛上視

但是驚風變易皆效

麻黃 去節 甘草 蟬退 五枚去翅足 升麻 川芎 龍

膽草 各一錢 天竺黃 釣藤 羌活 獨活

防風 各三錢 右每三五錢加竹葉七片薄荷葉

五片水煎服

琥珀散 急慢驚風涎潮昏冒目睛抽搐內釣肝

疼及和順痘瘡小可驚哭眠卧不安入口立効

又治驚癇常服安心定志

辰砂 琥珀 牛黃 僵蚕 炒 全蝎 去毒 天麻

南星 牛胆製 白附子 炮蟬退 代赭石 乳香 各

錢 射香 一字 右為末三歲半字薄荷金銀湯下

天麻慢驚加附子

天府防風丸

治一切驚風狂熱痰盛恐怖

僵蚕炒五錢

天麻酒煨

防風

人參各一兩

牛黃一錢

全蝎五錢

辰砂

雄黃

各二錢

炙甘草兩

射香半錢

右末煉蜜丸

桐子大每三五丸薄荷湯下

金箔鎮心丸

治風痰壅盛發熱心神恍惚驚悸

雄黃

辰砂

天竺黃

茯苓

膽南星

人參

各二錢

山藥

牛黃

射香

各五錢

右末煉蜜為丸

梧桐子大每服一丸

灯心釣藤薄荷湯下常服定志安心

涼驚丸

治驚疳有熱發搐心神恍惚牙關緊急

目作上視潮熱手足動搖

黃連

龍胆草

釣藤

各二錢

牛黃

射香各一錢

右細末麩糊丸

粟米大每服五七丸至十五丸

次大者三十九丸金銀薄荷湯下

定心丸

溫驚用此

茯神

白附子

南星

各三錢

人參

全蝎

僵蚕

炒十枚

乳香

遠志

各一錢

右為末牛膽

汁丸

梧桐子大每十二丸金銀薄荷湯化下

鎮心丸

治驚常服安心鎮驚

桔梗

山藥

山柰

甘草

各等分為末煉

蜜丸

櫻桃

大金銀箔

為衣

每十九丸薄荷湯下

利驚丸

治急驚身熱面赤引飲口中氣熱大小

便黃赤

青黛

輕粉

各一兩

黑豆

生末

天竺黃錢二右末蜜

丸小

莖大一

歲一

丸薄荷湯下

麩糊丸亦可

硃砂膏

驚風痰厥

硃砂

牙硝

各二錢

五靈脂

芫會

各一錢半射香分五

冰片

右細末

甘草膏丸

菴豆大

金箔為衣

每十九丸薄荷湯下

疎風散

驚風痰熱俱盛

檳榔

陳皮

黑丑

大黃

煨

各等分為末每服五七分生蜜少許調下

牛黃涼膈丸

治熱盛涎潮

牙硝

石膏

甘草

各五錢

胆星

半二錢牛黃紫

石英

射香

冰片

各五分

寒水石

煨五錢

藥附右為末甘草膏丸菴豆大每十九丸陳皮湯下

柴胡加大黃湯

最利痰熱

柴胡西黃芩

人參

半夏各生薑各

大黃錢半

量虛右為粗末

每服一錢

加棗子煎服

金星丸

風熱結聚喉內痰鳴喘粗咳嗽而頰紅

頰頤赤腫咽高壅塞目閉不開狂言發熱煩躁

多渴欲作驚風或大便不通小便如血

鬱金

雄黃

輕粉

已霜

南星

蠟一稍

錢一右為末

醋糊丸麻子大薄荷湯下三九

小者下九

揭風湯

專利驚熱下痰

青黛

芎藭

全蝎各

南星

末五錢水調餅包前三味煨

熟研末硃砂一錢

輕粉

牙硝各

右俱為細末每服一字薄荷湯下

奇方

鎮驚定搐安神

雄黃

大辰砂

錢各一

為細末猪心血拌水調下

溫膽湯

積痰驚悸

半夏

枳實

酸棗仁

陳皮

甘草

錢各一

茯苓

右每服三錢竹茹五分姜棗煎服

全蝎散

治驚搐

僵蚕炒三 全蝎薄荷葉 射香少

右為末石榴皮湯下

和中湯 和胃氣止吐瀉

茯苓 蓮肉各二錢 藿香 天麻 人參 扁豆

炒木香 白朮 甘草各一錢

每服二三錢姜棗煎服

定志丸 驚風已退神志未定

琥珀 茯神 遠志 人參 天麻 甘草

天門冬 白附子 酸棗仁 右末煉蜜丸

子大辰砂為衣灯心薄荷湯化下下二丸

酸棗仁散 驚心不寧恐怖恍惚

人參 麥冬各二錢 茯神五錢 粉州一錢 辰砂五分 射分

遠志 酸棗仁各三錢

右末鈞藤湯調下如內鈞加木香

防風散 風熱痰壅大便不通

羌活 防風 枳實 川芎 粉草 大黃煨

赤芍各半 右每服二錢姜棗煎服

青金丹 疎風利痰

牙硝 青黛各一錢 史君子 三枚 研砂 輕

粉各五 蝎梢 十四 右末磨香墨拌丸麻子大

每上一二丸薄荷湯下 驚積痰熱 楚地王監以此藥而

京墨丸 驚積痰熱 著名大利痰熱疳積

青黛 史君子 煨 苳會 京墨 胆星 各二

輕粉 射香 各五 冰片 一字 右為末麵糊丸梧子大每服一丸薄荷湯下

鎮心丸 化痰鎮心 治急驚 又一萬魚牛黃 有胆星

硃砂 龍齒 牛黃 各一錢 鐵華粉 琥珀

人參 防風 各三錢 全蝎 七枚

右末蜜丸梧子大每上一丸薄荷湯化下

珍珠丸 急驚熱盛涎潮

滑石 飛五錢 白附子 錢一 輕粉 錢一 巴霜 十五粒

右末麵糊丸菉豆大三歲者一丸二九葱白

湯下 一方有南星全蝎

犀角湯 心驚熱盛

犀角 防風 木通 甘草 桑白皮 茯苓

各等 右每服三錢水煎服

清心丸 驚熱煩躁

人參 茯苓 防風 柴胡 辰砂各二錢 金箔

廿右末蜜丸梧子大竹瀝湯磨下一丸

五仙丹 身按面赤口噤息粗抽搐易作易止

天麻 酒浸 全蝎 洗去頭足新 白附子 辰砂

珍珠 青礞石 煨各 巴霜 一十 金銀箔各十

右為末姜三片蜜一匙煎湯調服一字

珍珠天麻丸 治急驚風請量用之以通為度

方仍治吊腸鎖肚撮口至為妙絕功効如神

如麻子大每服一歲五丸二歲十丸隨大小加

減薄荷湯點茶送下 凡治驚風先須截風定

搐次以此劑下之切不可過利 初生患者三

日三丸五日五丸七日七丸加青黛名青黛丸

天南星 炮 天麻 白附子 炮 各一錢 巴霜 字膩粉 分五

蕪荑 炒 全蝎 炒 滑石 錢各半 右末水煮熟糊為丸

○慢驚

慢驚屬陰為寒為虛多發于大病之後或先有吐

瀉不善調理或尅伐過度損傷脾胃夫脾屬土

主四肢虛則四肢冷手指微動或口角掣動面色青二便利是其候也與急驚大不相同蓋急驚乃初病之症元氣未虛邪氣正盛故抽搐大作症雖急乃有餘之症治可攻擊使二便通利痰降熱散而愈也慢驚乃病後虛弱無氣以言無氣以動無力抽搐元氣大虛故也有似於風俗云慢脾風症雖緩實惡候也治惟溫補使胃氣漸回大便結實其風自定切不可攻擊症雖有痰只以六君子湯加天麻炮姜或烏蝎四

君子湯所重只在保護脾胃上着工夫餘不及孫季子朋來曰慢驚須要審問前症根由法輕重而施治之不可槩稱慢候而遽投大溫大熱之劑又不可不識緩急泛然夾雜他藥失時候事如從吐瀉後者即以理中湯治中湯甚者加大附子若水瀉輕者五苓散益黃散求附湯之類如從急驚漸轉致於慢者全蝎觀音散風邪而得者桂枝湯若面青額汗舌短頭低眼合不開搖頭吐舌俗曰慢

脾風此土極似木之候逐風則無風可逐療
 驚則無驚可療乃脾間虛痰虛熱往來作祟
 眼合者係脾虛之極不能展開神志昏迷治
 之早者十全二三太要只在助胃回陽若眼
 半合半開手足不冷此雖屬慢驚而陽氣尚
 未全脫不必用硫黃附子輩只與截風調胃
 可冷可熱和調陰陽太乙保生丹聚寶丹蟬
 蝎散皆可選用所重只在保脾故所治無失
 理中湯 吐瀉後脾胃虛弱四肢漸冷或面有浮

氣四肢虛腫眼合不開

人參 白朮 甘草 炮姜

水煎服甚者加大附子

治中湯 即前方減炮姜加陳皮

太乙保生丹 治慢驚尚有陽症

防風 全蝎 白附子 僵蚕 胆星

蟬退 琥珀 辰砂 射香 右末粟米

糊為丸梧子大金箔為衣每十丸薄荷湯下
 蟬蝎散 急味盡而慢將乘

小兒金鏡

卷

一

全蝎去毒七枚 蝉退廿一枚 甘草炙二錢半 大南星炮一枚

右末每服五分姜棗煎服

聚寶丹 物傳慢而未脫陽者

人參 茯神 琥珀 天麻 僵蚕炒 防風

南星炮 白附子生 全蝎炒 烏蛇肉酒浸焙 硃砂各一錢

分射香字一 右末蜜丸梧子大每九 石菖蒲湯下

神寶既濟丹 分陰陽平冷熱定吐瀉豁痰延

硫黃 火硝 五靈脂 青皮 陳皮

半夏麩 右將硫黃火硝用磁罐溶化撿勻冷

定取下全諸藥各等分為末粟米糊為丸麻

子大每服五丸米飲下

惺惺散 吐瀉後脾弱內虛

人參 茯苓 木香 天麻 扁豆炒 全蝎炙

陳米炒 各等分每服三錢姜棗煎服

大醒脾散 治吐瀉脾困不食

南星 茯苓 橘紅 全蝎炙 粉草 蓮肉

白附子 人參 木香 陳米炒

右每服三錢姜棗煎服

醒脾散

吐瀉脾困不思乳食

人參 全蝎 天麻 茯苓 木香 葛蒲

蓮肉 白朮 甘草 白附子

右每服二三錢姜棗煎服

木附湯 風濕相搏身軀煩痛不能轉側不嘔不

渴大便實小便利虛風頭目眩重煖四肢補中

助陽氣止自汗

白朮 四兩 甘草 二兩 大附子 炮去皮臍

右每服三錢水姜棗煎服

烏沉湯

驅風助胃治慢驚

天麻 人參 川芎 全蝎 南星 炮 木香

沉香 各一錢 甘草 炙 右每服一錢水姜煎服

星香全蝎散

治慢驚風昏迷痰搐

南星 木香 人參 橘紅 各一錢 全蝎 炙 甘草

各五分 有熱加防風 每二錢紫蘇姜棗煎服

定命飲

慢驚吐瀉困沉欲傳慢脾通用

半夏 茯苓 木香 生姜 末 天麻 各三錢

白朮 甘草 各一錢 右末姜棗湯調下五分

温白丸

驅風豁痰

人參

防風

白附子

僵蚕

全蝎

各一錢

南星

炮

天麻

各二錢

右末麵糊為丸梧子大每姜湯送下一丸

釣藤散

吐利脾胃氣虛生慢風

釣藤

錢七

蟬退

天麻

防風

蝎尾

人參

各五錢

麻黃

去節

僵蚕

炒甘草

川芎

各二錢

射香

少許

右水煎寒多加白附子五分可與後蟬退釣

藤飲兼看對症用

蟬退釣藤飲

肚痛驚喘

釣藤

天麻

茯苓

川芎

芍藥

各二錢

甘草

蟬退

各一錢

右加灯心

水煎服

礞石散

又名奪命散

大能利痰不問陰陽慢脾風涎潮

壅盛塞於咽間其嚮如潮百藥不能過其咽命

在須臾但先用此藥入喉痰即墜下功有萬全

起危薦之疾布斡旋之功

青礞石

過者

煨

右為極細末若急驚風痰上

壅身熱如火用薄荷自然汁入蜜調微温服

小兒金鑑
乏良久其藥畏痰墜下痰涎與藥雜和稠粘
而墜不也次服退風祛熱截驚等藥
又方以稀糊丸菴豆大每服二九急風薄荷煎
芥湯下慢脾風木香湯磨下
慢驚慢脾虛風亦痰涎潮上塞住咽喉藥石俱
不能下用以以青州白丸子再研為末稀糊為
丸入熟蜜湯調下其涎即墜入腹次服治慢驚
藥其痰立下不動臟腑不傷真氣惟見其藥畏
痰而下始知此劑之神

烏蝎四君子湯 右即四君子湯加川烏全蝎為
末每服五七分姜枣調下再服去川烏
星蘇散 慢脾風口噤不語痰熱及治諸驚風
大南星炮一枚 為末每服三字姜四片紫蘇五
葉同煎入雄猪胆汁少許溫和服
凡不語者大小便須要調導
慢脾風不語只用南星以人參石菖蒲為佐
異功散 温中枳氣吐瀉不思飲食
即治中湯加木香 姜棗煎服

陰癩散

祛風豁痰回陽正胃

白附子生

黑附子生

南星生

半夏生

各等分判散井水浸七日逐日換水浸去水

乾入全蝎末錢二同研為末每服分三生姜湯下

至聖保命丹 驚風內釣肚腹堅硬夜多啼哭眼

目上視手足抽掣不省人事

全蝎去毒十枚

防風

胆星

蟬退

僵蚕炒

天麻錢各二

白附子炒

辰砂錢各一

射香分五

右末糯米飲丸芡實大金箔十片為衣每

丸釣藤灯心湯下 有熱加牛黃冰片研

下方有羌活錢二此藥常服鎮心化痰

大宮詹少溪吳馭閱校

